



Adresa: **Ul. Hamdije. Čemerlića 39**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-1-40-122-4/26**

Datum: **21.04.2026. godine**

„Agencija za vodno područje rijeke Save“ Sarajevo (u daljem tekstu Agencija) rješavajući po zahtjevu podnesenom putem „Sektora za realizaciju projekata“ Agencije, za donošenje rješenja o prethodnoj vodnoj saglasnosti za vađenje materijala iz korita rijeke Krivaje, na lokalitetu u naselju Stog, uzvodno od devastiranog mosta, grad Zavidovići, na osnovu člana 139. stav (1) tačka 6. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22) **donosi**

RJEŠENJE **o prethodnoj vodnoj saglasnosti**

1. Podnosiocu zahtjeva, Agenciji, daje se prethodna vodna saglasnost u svrhu provođenja daljih aktivnosti na dodjeli prava na vađenje materijala iz korita rijeke Krivaje i izradi Elaborata za vađenje materijala iz korita rijeke Krivaje, na lokalitetu u naselju Stog, uzvodno od devastiranog mosta, koji obuhvata dio zemljišnih čestica označenih kao k.č. broj: 3685 K.O. Vozuća i k.č. 1865/1 K.O. Miljevići, grad Zavidovići.
2. Prethodna vodna saglasnost prestaje da važi ukoliko u roku od tri godine, od dana pravosnažnosti ovog rješenja, ne bude podnesen zahtjev za izdavanje vodne saglasnosti od strane pravnog lica kome bude dodijeljeno pravo na vađenje materijala.
3. Prethodna vodna saglasnost se daje na osnovu pregleda dokumentacije dostavljene uz zahtjev i uz zadovoljenje sljedećih uslova:
 - 3.1. Za namjeravano vađenje materijala iz korita rijeke Krivaje na lokalitetu u naselju Stog, uzvodno od devastiranog mosta, grad Zavidovići, potrebno je od strane pravnog lica kome bude dodijeljeno pravo na vađenje materijala pripremiti dokumentaciju – Elaborat vađenja materijala koji će sadržavati:
 - geodetska snimanja (ne starije od tri mjeseca) situacije i poprečnih profila riječnog korita (na rastojanju do 50,00 m) i uzdužne profile u razmjeri 1:100 ili detaljnije, koja se izvode preko operativnog poligonog vlaka sa osiguranjem krajnjih tačaka poprečnih profila na terenu trajnim biljegama uz položajni opis i nacrt (trigonometrijski obrazac 27), preko kojih će se po završetku radova izvršiti kontrolna geodetska snimanja,
 - izrada situacije lokaliteta na kome se planira vađenje materijala, uzdužnog i poprečnih profila riječnog korita u odgovarajućoj razmjeri,
 - tehničko rješenje načina izvođenja radova i utvrđivanje njihovog obima koje će obavezno uzeti u obzir da se tim radovima bitno ne remeti dinamika prirodnih procesa i prirodna ravnoteža ekosistema ili ne pospiješi štetno djelovanje voda,
 - dinamika vađenja materijala,
 - bilans masa materijala,
 - definirati lokaciju i površinu deponije, u zavisnosti od utvrđene količine materijala, vodeći računa da se ista ne može nalaziti u inundacionom pojasu,
 - na osnovu podataka iz katastarskog plana, na preglednoj situaciji obilježiti granice parcela koje su u državnom, odnosno privatnom vlasništvu, a nalaze se u zoni planiranih radova i gradilišta, trasu pristupnog puta i lokaciju deponije izvađenog materijala,
 - deponija izvađenog materijala mora biti locirana izvan uticaja velikih voda (izvan plavnog područja) i izvan vodnog dobra i javnog vodnog dobra,
 - mogući uticaj na izvorište pitke vode čije se zone sanitarne zaštite prostiru ili su u neposrednoj blizini predmetnog lokaliteta, ako takva postoje i uvjeti za zaštitu izvorišta prilikom izvođenja radova,
 - pregled postojećih korisnika vode sa vodotoka,
 - ocjenu mogućnosti nastanka negativnih uticaja na druge objekte i postrojenja, korito vodotoka, površinske i podzemne vode, stečena prava korisnika, naselja i sl. i mjere za ublažavanje tih uticaja.

- 3.2. Vađenje materijala treba vršiti u periodu usaglašenom sa ribolovnim društvima iz Zavidovića, odnosno korisnikom ribolovnog prava na ovom ribolovnom području, vodeći računa o periodu mriještenja plemenite ribe.
- 3.3. Izvođač radova dužan je riješiti imovinsko-pravne odnose sa vlasnikom zemljišta za pristup lokalitetu vađenja materijala, kao i do lokaliteta za odlaganje izvađenog materijala, a prije vađenja materijala iz vodotoka.
4. Prije podnošenja zahtjeva za izdavanje vodne saglasnosti izvođač radova, sa kojim se sklopi Ugovor o izvođenju predmetnih radova, dužan je izraditi Elaborat za vađenje materijala iz vodotoka. Elaborat će se uraditi u skladu sa članom 5. stav (3) Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj: 31/15, 55/19, 41/20 i 63/22), a isti treba da bude urađen od strane ovlaštenog pravnog lica (lista „A“), shodno Pravilniku o uslovima i kriterijima koje mora zadovoljiti pravno lice za izradu dokumentacije na osnovu koje se izdaju vodni akti („Službene novine Federacije BiH“, broj 17/08), te u skladu sa uslovima datim u tački 3.1. dispozitiva ovog rješenja. U sklopu Elaborata, a na osnovu ažurnog geodetskog snimka sprudišta, dati obračun stvarnih količina materijala koji treba ukloniti, sve u skladu sa članom 63. Zakona o vodama.
5. Uz zahtjev za izdavanje vodne saglasnosti, treba dostaviti sljedeću dokumentaciju:
 - Elaborat izrađen u skladu sa uslovima iz tačke 3.1. dispozitiva ovog rješenja,
 - Ugovor o izvođenju predmetnih radova potpisan sa „Agencijom za vodno područje rijeke Save“, Sarajevo,
 - Dokaz o izvršenoj uplati upravne takse u iznosu od 60 KM,
 - Ovjerena kopija rješenja o upisu u sudski registar i identifikacioni broj,
 - Potvrdu nadležnog korisnika ribolovnog prava o dozvoljenim terminima izvođenja radova na predmetnom lokalitetu, u periodu utvrđenom dodijeljenim ugovorom o vađenju materijala iz vodotoka,
 - Kopija uvjerenja o poreznoj registraciji,
 - Validne dokaze Izvođača da je riješio pitanje imovinsko-pravnih odnosa na trasi pristupnog puta do lokacije vađenja materijala iz vodotoka, te do lokacije za deponovanje kao i za samu lokaciju deponovanja izvađenog materijala.
6. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, potrebno je o istim obavijestiti ovu Agenciju (ugovornog organa), a u zahtjevu za izdavanje vodne saglasnosti navesti te okolnosti.

O b r a z l o ž e n j e

Podnosilac zahtjeva „Agencija za vodno područje rijeke Save“ Sarajevo, putem „Sektora za realizaciju projekata“ Agencije, dostavio je zahtjev dana 02.04.2026. godine za donošenje rješenja o prethodnoj vodnoj saglasnosti za vađenje materijala iz korita rijeke Krivaje, kao jednu od mjera za sprečavanje štetnog djelovanja voda na lokalitetu u naselju Stog, uzvodno od devastiranog mosta, koji obuhvata dio zemljišnih čestica označenih kao k.č. broj: 3685 K.O. Vozuća i k.č. 1865/1 K.O. Miljevići, grad Zavidovići.

Uz zahtjev je dostavljena sljedeća dokumentacija:

- Kopija Rješenja o izmjeni podataka u upisu u sudski registar broj: 065-0-Reg-25-003258 izdatog dana 13.08.2025. godine od strane Općinskog suda u Sarajevu,
- Kopija Obavještenja o razvrstavanju pravnog lica prema klasifikaciji djelatnosti broj: 07-32.5-45391/12 izdatog dana 11.12.2012. godine od strane Službe za statistiku za područje Kantona Sarajevo,
- Kopija Uvjerenja o poreznoj registraciji izdatog dana 14.12.2012. godine od strane Porezne uprave Federacije BiH - Kantonalni porezni ured Sarajevo,
- Kopija odluke o utvrđivanju potrebe za vađenjem materijala iz vodotoka Krivaje, broj: 30-268-6/26 od 01.04.2026. godine, Agencija za vodno područje rijeke Save Sarajevo
- Kopija Zapisnika komisije za uviđaj na licu mjesta u vezi vađenja materijala iz vodotoka Krivaja na području grada Zavidovići od 13.03.2026. godine,
- Kopija Izvoda iz posjedovnog lista broj 120 izdatog dana 15.08.2024. godine, Služba za upravu geodetskih, imovinsko-pravnih poslova i urbanizma Grada Zavidovići,
- Kopija Izvoda iz posjedovnog lista broj 497 izdatog dana 15.08.2024. godine, Služba za upravu geodetskih, imovinsko-pravnih poslova i urbanizma Grada Zavidovići,
- Kopija katastarskog plana UR broj: 06/6-30-3198/2024-13 K.O. Miljevići izdatog dana 14.08.2024. godine, Služba za upravu geodetskih, imovinsko-pravnih poslova i urbanizma Grada Zavidovići,

- Kopija katastarskog plana UR broj: 06/6-30-3198/2024-24 K.O. Vozuća izdatog dana 14.08.2024. godine, Služba za upravu geodetskih, imovinsko-pravnih poslova i urbanizma Grada Zavidovići,
- Kopija katastarskog plana UR broj: 06/6-30-3198/2024-25 K.O. Miljevići izdatog dana 14.08.2024. godine, Služba za upravu geodetskih, imovinsko-pravnih poslova i urbanizma Grada Zavidovići.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i članom 21. Pravilnika o sadržaju, obliku, uslovima, načinu izdavanja i čuvanja vodnih akata o zahtjevu je dana 07.04.2026. obaviještena javnost putem obavještenja na oglasnoj ploči „Agencije za vodno područje rijeke Save“ u Sarajevu i u dnevnom glasilu „OSLOBOĐENJE“. U ostavljenom roku nije bilo pisanih izjašnjenja o predloženim aktivnostima iz zahtjeva.

U provedenom postupku konstatovano je sljedeće:

U cilju utvrđivanja činjeničnog stanja na terenu, aktom broj: 30-268-5/26 od 01.04.2026. godine donesena je odluka o utvrđivanju potreba za vađenje materijala iz vodotoka Krivaje na lokalitetu naselja Stog, uzvodno od devastiranog mosta. Nakon uviđaja na terenu, Komisija je dana 13.03.2026. godine sačinila „Zapisnik komisije za uviđaj na licu mjesta u vezi vađenja materijala iz vodotoka Krivaja na području grada Zavidovići“ u okviru koga je dato stručno mišljenje i priložena foto dokumentacija sa kratkim opisom stanja na terenu i zaključkom za dalje postupanje.

U stručnom mišljenju je konstatovano da, na lokalitetu u naselju Stog, većim dijelom uzvodno od mosta na lijevoj obali rijeke, na oštroj krivini, grad Zavidovići, po procjeni Komisije ima oko 5000 m³ šljunkovitog materijala, te da treba pokrenuti postupak za uklanjanje predmetnog materijala iz korita rijeke Krivaje.

Stvarna količina materijala koji treba ukloniti mora biti definirana u sklopu Elaborata a sve u skladu sa članom 63. Zakona o vodama kojim je propisano da je „Vađenje materijala iz vodotoka dozvoljeno je u obimu i na način koji bitno ne mijenja prirodne procese, ne remeti prirodnu ravnotežu ekosistema ili ne pospješuje štetno djelovanje voda“.

Na osnovu provedenog uviđaja na lokalitetu u naselju Stog, uzvodno od devastiranog mosta, grad Zavidovići, sačinjenog Zapisnika, stručnog mišljenja i foto dokumentacije, donesena je od strane AVP Sava Odluka o utvrđivanju potrebe za vađenja materijala iz vodotoka Krivaje broj: 30-268-5/26 od 01.04.2026. čime su se stekli uslovi za pokretanje upravnog postupka po službenoj dužnosti, a sve prema odredbama člana 6. Uredbe o načinu dodjele prava na vađenje materijala iz vodotoka („Službene novine Federacije BiH“, broj 58/15).

Na osnovu priložene dokumentacije u kojoj je utvrđena potreba za vađenjem materijala iz korita rijeke Krivaje na lokalitetu naselja Stog, uzvodno od devastiranog mosta, u procijenjenoj količini od cca 5000 m³, u dispozitivu ovog rješenja su utvrđeni uslovi kojima mora udovoljiti dokumentacija na osnovu koje će se pokrenuti postupak za izdavanje vodne saglasnosti za vađenje materijala pravnom licu kome bude dodijeljeno pravo na vađenje materijala, a sve u skladu sa članom 111. stav (1) Zakona o vodama, članom 5. stav (3) i (4) i članom 10. stav (3) Pravilnika o sadržaju, obliku, uslovima, načinu izdavanja i čuvanja vodnih akata.

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi ovom organu neposredno, pismeno, usmeno na zapisnik ili preporučeno putem pošte i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta: Adnan Bašić, dipl.inž.građ.

Po ovlaštenju
Rukovodilac sektora za izdavanje vodnih akata

Nihad TRZU, dipl.inž.građ.



Dostaviti:

- AVP Sava – Sektor 30,
- ⊖ AVP Sava, ISV-vodna knjiga
- Sektor 40 – arhiva
- oglasna ploča – AVP Sava